



Foto: Damir Kobilić

Serija lingvističkih predavanja **ČOVJEK – JEZIK – SVIJET**

Seriju lingvističkih predavanja ČOVJEK – JEZIK – SVIJET organizira Centar za bosanski, hrvatski i srpski jezik Filozofskog fakulteta Univerziteta u Sarajevu. U toku 2022. godine u okviru serije održat će se 7 predavanja. Predavači su lingvistički eksperti iz Bosne i Hercegovine i inozemstva. Cilj je serije promocija lingvistike, razmjena iskustava te osnaživanje međunarodne akademske saradnje.

Predavanje 4/7

Mladen Uhlik: Polisemija priloga smanjenog intenziteta: slučaj slovenskog *komaj* i njegovih slavenskih ekvivalenta

Sažetak

U izlaganju se razmatra polifunktionalnost leksema koje uvjetno nazivamo prilozima smanjenog intenziteta. Na osnovu kontrastivne analize različitih značenja slovenskog *komaj* ‘jedva; samo; tek’ s ekvivalentima iz drugih slavenskih jezika, osobito iz štokavskog, ruskog, ukrajinskog i češkog, istaknuta su neka tipološka obilježja sličnih leksema. Riječ je o leksemima koji se primarno pojavljuju u dva načinsko-priloška značenja: prvo se odnosi na trud potreban za dostizanje rezultata, a drugo na smanjeni intenzitet nekog stanja ili procesa. Iz tog drugog značenja u slavenskim se jezicima razvijaju i nove funkcije, npr. slov. *komaj* upotrebljava se i kao čestica za ocjenjivanje količine ili kao vremenski prilog te veznik koji označava kontaktnu anteriornost.

Na osnovu materijala iz slavenskih jezika dokazuje se da značenje ovakvih polifunktionalnih leksema u znatnoj mjeri ovisi o domeni njihova djelovanja, odnosno o sintaktičkoj okolini u kojoj se pojavljuju.

O predavaču

Mladen Uhlik izvanredni je profesor na Odsjeku za slavistiku Filozofskog fakulteta u Ljubljani i znanstveni suradnik Instituta za slovenski jezik Frana Ramovša, Znanstveno-istraživačkog centra Slovenske akademije znanosti i umjetnosti. Autor je većeg broja radova iz područja kontrastivne lingvistike, u kojima se bavi usporedbom slavenskih jezika, naročito slovenskog, ruskog i štokavskog. Suautor je monografije *Rusko-slovenska sintaksa* (2022) i član uredništva Brillove enciklopedije *Encyclopedia of Slavic Languages and Linguistics* kao i nekoliko međunarodnih slavističkih časopisa.

Vrijeme: 24. 11. 2022. (četvrtak) u 12.00

Pristup: <https://uni-lj-si.zoom.us/j/93852076574>

Meeting ID: 938 5207 6574

Jezik predavanja: bosanski

Voditelj projekta: prof. dr. Halid Bulić (halid.bulic@ff.unsa.ba)

